

KAUM IBU YANG MASYHUR

Permaisuri Zubaydah

Zubaydah binti Ja'afar bin al-Mansur ialah permaisuri Khalifah Harun al-Rashid yang masyhur. Permaisuri Zubaydah terkenal seorang yang cantik parasnya, bijaksana dan dermawan yang banyak jasanya kepada orang ramai. Kisahnya berangkat menunaikan haji dan derma kebajikannya yang telah ditaburkannya perjalanannya itu telah ditulis orang dengan banyaknya dalam lipatan tarawikh.

Permaisuri Zubaydah telah mencapai setinggi-tinggi kemasyhuran di dalam sejarah Islam kerana beberapa keistimewaan. Selain daripada seorang permaisuri yang kaya raya dan dermawan ia seorang titisan khalifah-khalifah Islam turun-temurun. Ayahandanya seorang putera khalifah, memandanya al-Mahdi seorang khalifah, suaminya Harun al-Rashid semasyhur-masyhur khalifah-khalifah bani 'Abbas, dan puteranya al-Amin seorang khalifah juga.

Salah satu daripada jasanya yang telah menghidupkan namanya zaman berzaman, ialah mengalirkan air daripada gunung-ganang untuk menjadi air minum penduduk Mekah yang kering-kontang. Hairannya ini, yang telah dibelanjakan sebahagian besar daripada harta bendanya untuk menjayakannya masih kekal hingga hari ini di Mekah dan terkenal dengan "‘ayn Zubaydah" (mata air yang dialirkan oleh Zubaydah).

Tentang ini Ibn al-Jawziy menulis: Zubaydah telah mengalirkan air untuk diminum oleh penduduk Mekah dalam masa mereka mengalami kekurangan air, sehingga terpaksa mereka membeli air sekandar air dengan satu dinar (kira-kira

\$3.50 – p). Zubaydah telah mengalirkan air itu dari gunung-ganang bandar Mekah sejauh kira-kira 10 batu dengan menggunakan pekerja-pekerja memahat dan menebuk batu

Khusyuklah solat tuan?

“Dalam kita sujud dalam kita meletakkan dahi di bumi, rasakanlah kehinaan diri bahawa kita ini berasal dari setitik air yang hanyir dan akan kembali menjadi bangkai yang busuk yang tidak ada harganya” – kata Kiyai Muhammad Hasbi ash-Shiddieqy. Kita manusia tidak ada kekuatan dan tidak ada harga, kerana itu latihlah diri supaya khusyuk di dalam sembahyang. Salah satu caranya bacalah ucapan kiyai Muhammad Hasbi.

Sujudlah kepada Tuhanmu!

Disusun oleh 'Idrus

Sebuah buku *serial* syarahan 2 yang diterbitkan oleh Qalam. Senashkah hanya 40 sen sahaja. Ukuran kecil.

yang besar-besar sehingga dapat dibawa ke tengah-tengah bandar Mekah di sisi Masjid al-harām.

Khairatnya Dalam Masa Menunaikan Haji

Dalam masa ia berangkat ke Mekah menunaikan haji ia telah mendirikan beberapa buah masjid di Tanah Suci dan telah menderma untuk kebajikan penduduk Mekah dan lain-lain kawasan sepanjang perjalanan itu. Menurut catitan tawarikh, jumlah wang yang telah dibelanjakan oleh Permaisuri Zubaydah pada tahun itu untuk menjayakan khairatnya yang banyak itu ialah sejuta tujuh ratus ribu dinar.

Sehingga hari ini masih ada banyak tempat-tempat dan bekas-bekas peninggalan khairat Zubaydah yang menghidupkan namanya turun-temurun, terutama di Baghdad dan di Mekah al-Mukarramah.

Menurut keterangan Ibn Al-Athīr:

Zubaydah telah lahir di bandar Mausil dalam masa ayahandanya - Ja'afar – menjadi pegawai daerah Mausil dalam kerajaan nendanya – Khalifah Abū Ja'far al-Mansūr.

Zubaydah telah diperisterikan oleh Harūn al-Rashīd pada tahun 165H. Ia sangat dikasihi oleh Harūn al-Rashīd dan dimuliakan bahkan segala kehendaknya sentiasa dipenuhi oleh khalifah yang masyhur itu. Demikian pula kasih dan hormat Zubaydah kepada suaminya. Ia sentiasa menjaga dan memelihara keredaannya. Sepanjang-panjang pemerintahan khalifah Harūn al-Rashīd tinggallah Permaisuri Zubaydah dengan penuh kebesaran dalam istananya di Baghdad. Menurut catitan sejarah, Permaisuri Zubaydah mempunyai seratus orang dayang-dayang yang hafaz Qur'ān dan bila

mereka tadarus beramai-ramai, di istana, kedengaran suara mereka bergema bunyi lebah.

Al-Āmīn dan al-Ma'mūn

Tetapi segala kebesaran dan nikmat hidup yang telah dinikmati oleh Zubaydah telah bertukar menjadi kesengsaraan dan penderitaan setelah khalifah (sultan) Harūn al-Rashīd mangkat dan takhta kerajaan menjadi rebutan puteranya al-Āmīn (yang telah memerintah selama kira-kira 4 tahun kemudian terbunuh dalam peperangan dengan saudaranya sendiri al-Ma'mūn). al-Ma'mūn - anak tiri Zubaydah (ibunya seorang gundik berbangsa Parsi) dengan hasutan dan sokongan orang-orang Parsi telah merampas takhta kerajaan.

Dalam masa inilah Tāhir bin al-Husayn (Parsi), panglima yang memimpin tentera yang dihantar oleh al-Ma'mūn telah dapat mengepung Baghdad dan membunuh khalifah al-Āmīn (putera tua kepada Harūn al-Rashīd dan permaisuri Zubaydah), dan harta benda Zubaydah telah dirampas.

Setelah tamat perang saudara itu, permaisuri Zubaydah telah mengadakan halnya kepada al-Ma'mūn akibat dari perbuatan panglimanya yang tidak berperikemanusiaan. Akhirnya al-Ma'mūn memerintahkan supaya Permaisuri Zubaydah menduduki istana khas dengan penuh kebesaran seperti sedia kala dengan mendapat wang sara hidup sebanyak seratus ribu dinar setahun.

Permaisuri Zubaydah telah mangkat dan dikebumikan di Baghdad.